

Newspaper	Utusan Malaysia
Date	11 August 2015

Najib hadir Perundingan Tahunan Malaysia-Brunei

BANDAR SERI BEGAWAN 10 Ogos - Datuk Seri Najib Tun Razak akan mengadakan lawatan kerja selama sehari ke negara ini sempena Perundingan Tahunan Pemimpin Malaysia-Brunei Ke-19 di sini esok.

Wisma Putra dalam kenyataan akhbar yang dikeluarkan hari ini memaklumkan, pertemuan Perdana Menteri dengan Sultan Brunei, Sultan Hassanal Bolkiah itu akan berlangsung di Istana Nurul Iman, di sini.

"Atur cara lawatan Perdana Menteri juga akan melibatkan Majlis Santapan Tengah Hari yang dihoskan Sultan Hassanal Bolkiah bagi meraikan delegasi negara.



**HERMAN
HAMID**

Melaporkan dari Brunei

"Mengiringi Najib salam lawatan esok, isteri beliau, Datin Seri Rosmah Mansor.

"Turut sama dalam delegasi negara, Menteri Luar, Datuk Seri Anifah Aman dan beberapa Menteri Kabinet di samping Ketua Menteri Sabah, Datuk Seri Musa Aman dan Ketua Menteri Sarawak, Tan Sri Adenan Satem," kata kenyataan itu.

Tambah Wisma Putra, Perund-

ingan Tahunan di antara Perdana Menteri dan Sultan Brunei adalah acara kemuncak dalam kalendar tahunan hubungan dua hala kedua negara.

"Ta akan memberi peluang kepada kedua pemimpin untuk berbincang dan menilai status serta perkembangan kerjasama dua hala sejak Perundingan Tahunan Pemimpin pada 2014.

"Di samping itu, kedua pemimpin juga akan meninjau inisiatif-inisiatif baru ke arah memperkukuh lagi tali persahabatan istimewa yang telah sekian lama terjalin di antara Malaysia dan Brunei," kata kenyataan itu.

UM - 11/8/2015